

اعملوا آل التوحيد شكرا | الشيخ شوقي عبد الصادق

شوقي عبد الصادق

الحمد لله يخلق ما يشاء ويختار يكون الليل على النهار ويكور النهار على الليل واصلي واسلم على خير خلقه وسيد انبيائه. ومصطفاه المختار. ما تعاقب الليل والنهار وبعد اختار الله سبحانه وتعالى لهذه الامة لهذه الامة شهرا عظيما - [00:00:00](#)

تجدد فيه الهمم ويرفع فيه الايمان وتراجع فيه الانفس ويصطلح العباد فيه مع الله فهل لنا من ذلك او الى ذلك من سبيل وجدت عباد الله هذه الاية العظيمة في سورة - [00:00:43](#)

سبأ لعلها تحرك فينا السواكن وتحيي فينا الموات وتزيد فينا الناقص فان الايمان يزيد وينقص واحيانا يموت ويبقى جثة هامدة في قلب صاحبه واحيانا والعياذ بالله يعقب بالنفاق فاعقبهم نفاقا في قلوبهم - [00:01:11](#)

الى يوم يلقيه بما اخلفوا الله ما وعدوه وبما كانوا يكذبون هذه الاية فيها يقول رب العزة ممتنا على داوود واله هذا النبي الملك الحرفي المتواضع الذي يأكل من عمل يده - [00:01:53](#)

الذي حبب الى الله منه الشكر والعبادة قال تعالى عن ال داود وعن سليمان تحديدا فيما سخر له ومن الشياطين اللي بتعمل بين ايدين سليمان. بالمناسبة لا تظن ان سليمان او الجن الانس كان شايقين الشياطين وهي بتشتغل. لا حتى لا تصطدم بالايات مع بعضها البعض - [00:02:21](#)

يعني انطلب منهم سور بينوه او يغوصوا في البحر او يعملوا لهم محراب او يعملوا له صرح لبلقيس الناس قاعدة كده وشايفة الشياطين شغالة. لا. الايات كلها منسجمة. انه يراكم هو - [00:03:02](#)

وقبيله من حيث لا ترونه فهو يصدر الامر وبس تلاقي الشيء اللي امره به اتعمل مين اللي شافه بيتعمل؟ هو اتعمل خلاص. هكذا. يعملون له ما يشاء. من محاريب تماثيل وجفان كالجواب الراسيات. اعملوا آل داوود - [00:03:22](#)

وده شكرا فمن هذه الاية اخترت لي ولكم اعملوا يا اهل التوحيد شكرا احنا ال داوود بصفة بصفة اعتبارية ان احنا ننسب لكل الانبياء لكن كل واحد فينا من ال ابيه. اما احنا من ال داوود بصفة اعتبارية داوود مسلم واحنا - [00:03:54](#)

ولله الحمد فاعملوا يا اهل التوحيد شكرا. كما امر الله داوود واله ان يعملوا شكرا مش يقولوا شكرا اعملوا وليس قولوا شكرا. اعملوا شكرا الشكر يعمل الشكور كثير الشكر الشكور الذي يجازي على القليل كثيرا. دبش زور يعني دب يظهر عليها - [00:04:24](#)

عليها من السمن اقل ما اكلت من الطعام. تاخذ طعام بسيط يظهر عليها السمن. دابة شكور. الشكور يصدر بقوله وفعله وماله وحاله والشاكر باي واحد من هؤلاء اعملوا ال داوود شكرا. ايشكروا الله على ما انعم به عليكم - [00:05:05](#)

من نعمة الدين والدنيا انعم الله على آل داوود نعمتا كثيرة اعظمها واجلها هي نعمة الاسلام اعملوا ال داود شكرا. يقول الحافظ ابن كثير هذه الاية او هذا الكلام يقال لمن هو متلبس - [00:05:36](#)

فعل يعني اللي شغال في الشكر فعلا يقال له اعمل شكرا. اعمل شكرا استمر فيما انت عليه. اعملوا ال داوود شكرا فغمرت الاية لانهم واقعون في الشكر. قائلون بالشكر فاعلون للشكر. اعملوا آل داوود شكرا - [00:06:02](#)

وقد كان داود كذلك قسم الصلاة على نسائه واهله واولاده فما تمر ساعة من ليل او نهار الا وواحد من ال داوود قائم يصلي ليل او نهار في البيت ده في بيت داود هذا عليه الصلاة والسلام واحد بيصلي. رجل امرأة صبي - [00:06:38](#)

لازم حد يكون بيصلي اعملوا هذا داوود شكرا. هو شخصيا قال عنه النبي صلى الله عليه وسلم كما صح في الصحيحين احب الصلاة الى الله صلاة داوود احبوا الصلاة الى الله صلاة داوود - [00:07:11](#)

كان ينام نصف الليل ويقوم ثلثه وينام سدسه واحب الصيام الى الله صيام داود كان يصوم يوما ويفطر يوما ولا يفر اذا لاقى نبي متكامل نبي عظيم ملك حرفي قام بالشكر - [00:07:34](#)

فعل الشكر امر به اهله شكر حق الشكر شكر حتى الشكر بيته ما في ساعة الا واحد بيصلي انا لله وانا اليه راجعون ما عندنا سانية تضيع يدوبك الدقيقتين اللي بنغمض فيهم عنينا هم دول بس - [00:08:05](#)

ويا ريت بيروحوا في طاعة او بينتهوا على زكر ويبدأ بذكر طول ما احنا قاعدين نلعب شكر الله هو اللعب في الموبايلات ومتابعة اخر البلاوي والفضايع شكر الله عندنا هو كما تعلمون - [00:08:33](#)

احب الصيام يوم ويوم لان ملك وهيجاهد في سبيل الله ومحتاج قوة ونشاط فيفطر يوم ويصوم يوم احب الصيام الى الله. نصف العمر صائب ولا فر اذا لاقى ما عنده ضعف ما عنده امراض - [00:08:53](#)

ما انهكش قواه بالتدخين والسجاير والشيشة. هدي حيله هدي حيله بالمكيفات. لا. صوموا ويفطر يوما. اذا لقي العدو قوي شجاع لا يفر. اذا لاقه اذا لما قال الحافظ في الاية - [00:09:16](#)

اعملوا شكرا لله على ما انعم به عليكم من نعمة الدين والدنيا. نبدأ اليوم بالشكر على نعمة الدين الدين الشكر على نعمة الدين يلزمه سلاس امور. الامر الاول ان تشعر اولا انك على دين - [00:09:41](#)

وان دينك مصدر عزك وقوتك والسوق دودك ان دينك بدونه انت لا شيء. تعتز به. ان دينك نعمة. مش نقمة اخر حاجة نفكر فيها الدين لانه مش نعمة مش حاسين به على انه نعمة - [00:10:08](#)

عندنا استعداد نعطي كل حاجة من وقتنا وما لنا الا الدين الدين مصدر للشبهة مصدر للقلق. الدين هم وثقل كيف تستشعر هو نعمة عليك؟ مع ان الله سبحانه وتعالى ما ذكره الا بهذا الوصف. قال ليوسف عليه السلام - [00:10:37](#)

وكذلك يجتبيك ربك ويعلمك من تأويل الاحاديث ويتم نعمته عليك وعلى ال يعقوب كما اتمها على ابويك من قبل ابراهيم واسحاق. الكلام ده لسه صبي سيدنا يعقوب بيقول له هذا الكلام اللي واحنا بنقرأه ونتعبد بتلاوته ويتم نعمته - [00:11:04](#)

وعليك تبقى ايه بعض الصبا تبقى نبي اصاحب رسالة ويتم النعمة عليك. ايش النعمة؟ الرسالة النبوة تبقى نبي تملك الرقاب. فادعو العباد اشعر بالنعمة من الان. سيدنا يعقوب سيدنا يوسف لسه صغير - [00:11:38](#)

لو رؤي ورآها ابوه بيقول له فيه استمرار في اتمام النعمة وكذلك وكذلك يجتبيك ربك ويتم نعمته عليك. وعلى ال يعقوب كما اتمها على ابويك من قبل واتم الله عليه النعمة. وفي سبيله لاتمام النعمة - [00:12:07](#)

هو خد النعمة وخلص كبر وبلغ بلغ اشدّه. ومضج ومعه نعمة ومعه اسلام والبيئة اللي حوالية كلها على الكفر كلها على الكفر ما حسش ان دينك نقمة وحمل وان هو السبب لوجوده في المكان - [00:12:32](#)

انتم عارفين المكان اللي موجود كان موجود فيه ايه؟ ولا دي محتاجة شرح؟ ايه اللي يدخله هنا؟ ايه اللي جابه هنا؟ ما هو دينه والا تصرف عني كيدهن اصبو اليهن واكن من الجاهلين. تم لو - [00:12:58](#)

نساب الدين اللي هو مش نعمة كان هيتمتع وهيبقى في احضان الست ورهن اشارة الست وهيبقى مرضي عليه في الداخل والخارج وهتبقى له كلمة لا الا تصرف عني كيدهن عشان معه نعمة. بيحافظ على النعمة بيظهر النعمة. ناس ما يعرفوش - [00:13:19](#)

شيء اسمه العفة معندهم علم بيه مجتمع همجي مجتمع حيواني كل اللي عندهم يتفكه على عباد الله صالحين جابت نسوة ها واخرج عليهن وو الى اخره. يتسلوا على عباد الله الصالحين. لكن معه نعمة. ويدخل السجن - [00:13:47](#)

ويدعو الى النعمة لنعارف معه نعمة. يا صاحبي السجن. الارباب متفرقون خير ام الله الواحدون ما تعبدون من دونه الا اسماء سميتموها انتم واباؤكم ما انزل الله بها من سلطان - [00:14:14](#)

الله ان الحكم الا لله امر الا تعبدوا الا اياه ذلك الدين القيم. ولكن اكثر الناس لا يعلمون. وجاء من بعده رسولنا صلى الله عليه وسلم يقول له ربه ممتنا علي بالنعمة اللي احنا مش - [00:14:34](#)

حاسين ان هي نعمة اصلا. الم يجدك يتيما فاوى؟ ووجدك ضالا فهدى. ووجدك عائلا فاغنى فاما اليتيم فلا تقهر واما السيل فلا تنهر.

واما بنعمة ربك حدث فحدث حدث الناس عرف الناس انشر للناس بين ما تخفيهوش هذا الدين مش يخفى - [00:14:58](#)

هذا الدين مش محله صدرك وتنام. هذا الدين تزهرة وتباهى به. وتعلنه في الخلق ليطبقوه ويقتدوا به واما بنعمة ربك فحدث واتم

اللي عليه النعمة شوية شوية. في مكة خد نصيبه. وبعدين انتقل للمدينة. في سنة ستة من الهجرة وهو - [00:15:27](#)

اعقد الصلح النعمة بدأت تزهو اكثر. والدين يزهر اكثر. الاول مخفي مستور. كم سنة في بيت الارقم سري دكايني ما حدش عارفه

الحبايب بس اللي ببيجوا والحبايب اللي بنتكلم في ودانهم عاوزين نتكلم - [00:15:55](#)

بقى على المأ ثلاث سنين في دار الارض ظهر شوية في مكة بس مش هو ده المطلوب عاوزينه يعم الدنيا كلها فكان ايه؟ راح المدينة

برضه مش هو ده الحل. لازم يبقى في قوة. ولازم في شعلة. شعلة تتقد - [00:16:15](#)

كل الدنيا كان صلح وكان صلح الحديبية وصلح الحديبية سماه رب العالمين بالفتح. المبين انا فتحنا لك فتحا مبينا. ليه؟ ليغفر لك الله

ما تقدم من ذنبك. وما تأخر يتم نعمته عليك. يكمل النعمة لك. عمالة تكمل شوية بشوية. لحد ما جت في حجة الوداع وخلص -

[00:16:35](#)

قال سبحانه اليوم اكملت لكم دينكم واتممت عليكم نعمتي ورضيت لكم الاسلام ديناً. لازم نشعر نشعر انك في نعمة مؤثر الايمان يزيد

عنك ازاي وانت مش عارف انك في نعمة انك بتعبد ربنا وانت مضطرب تعبد الله وانت ناظم على العبادة - [00:17:05](#)

تعبد الله وانت حاسس ان العبادة دي ممكن تكون اخترتها مش حلوة لا لازم تشعرك انك في نعمة عشان هتشكر على النعمة. ايش النعمة

اللي اراد الله ان يتمها على رسوله؟ نعمة الطعام والشراب والبيت والزوجات ما هو ده اللي احنا قايمين - [00:17:34](#)

نايمين فيه. ما لناش هم ولا شغل ولا تفكير. الاسعار الاكل الشرب الشقق البيوت هي دي حياتنا. بنست الحياة فين الدين بقى على

الخريطة؟ ولا وجود له. لما نشبع الاول. لما بيوتنا ترتاح الاول. لما جيوبنا تتملئ - [00:17:55](#)

نبقى نتكلم عن النعمة. خلينا في النعمة دي الاول. خلينا في النعمة العاجلة. بنست النعمة اسوأ نعمة سيقنا الينا. ليه؟ لان الهتنا عن

اعظم النعمة. مش معنى ذلك ان البيت حرام والاكل حرام - [00:18:20](#)

والزكاة لا لا لا مش هو ده المقصود. المقصود ان هذه التوافه وهذه الاشياء الرخيصة. لم اشعرنا بقيمة ما نحن فيه وعلشان كده اخترت

لكم بعض اللقطات من حياة النبي. عشان النعمة اللي هو مستشعرها وبيته وبيوتكم - [00:18:39](#)

والتحصين اللي عندنا في شعورنا بنعمة الاسلام وشغلنا بتوافه الامور الاسعار الحكاية الرواية عائشة رضي الله عنها فيما روى البخاري

وغيره تقول اشترى النبي صلى الله عليه وسلم من يهودي طعاما لاجل ورهنه - [00:19:03](#)

فيش فلوس تدفع وهو عاوز الطعام لاهل بيته خد الطعام اليهودي خاين اصلا خايف ما كان ما يطلبش رهن كان يدي له الطعام. لكن لا

خايف خاين الشيطان وبيسول له ان ممكن ما يسدش - [00:19:34](#)

ياخد الراس الشيطان ببسول له كده لقي الرسول اللي هو مؤتمن على اهل الارض كلهم. لكن خبرة لكن الشاهد في الحديث ايه؟ ان ما

فيش نقد يشتري به النبي بصرف النزر بقى الاسعار غالية الاسعار رخيصة اصلا - [00:19:58](#)

ما فيش نقد يشتري به وهذا حتى مات في حديث اخر رواية اخرى عند البخاري من روايتها تقول ما توفي رسول الله توفي توفي

خلاص. توفي رسول الله صلى الله عليه وسلم ودرعه مرهونة بستين صاعا - [00:20:19](#)

شعير عند يهودي ستين صاع استلفهم من اليهود وعشان اليهودي يبقى في مأمن ادى له الدرع ومات الرسول وتمن الشعير ما سدش

حتى لحزة موته. صلى الله عليه وسلم. هو ده بيت النبي. ده طعام النبي - [00:20:44](#)

ايوة لكن هل ربنا بيؤدبه؟ تبارك الذي ان شاء جعل لك خيرا من ذلك جنات تاجري من تحتها الانهار. ويجعل لك قصورا يجعل لك كل

اللي يخطر على بالك واللي ما تقولش لو عاوز. لكن مش هي دي النعمة لان دي النعمة. يتم نعمته عليك - [00:21:03](#)

وليتم نعمته عليك. هو ده المطلوب. هي دي النعمة اللي ربنا تمها على رسوله. صلى الله عليه وسلم نعمة الاسلام نعمة الرسالة تخيل لو

ان الرسول على قيد الحياة وعاوز ياكل دلوقتي - [00:21:29](#)

اي بيت يقدر يدخله الرسول وحد يحوش عنه حاجة كل طعام الدنيا رهن اشارة الرسول مش هي دي القضية. اه بيته هو شخصيا.

لكن تخيل بعد الفتح وبعد النور الذي شاع في الدنيا كلها. لو ان الرسول دخل اي بيت - 00:21:44

على الكوكب الارضي ياكل ايه ويشرب ايه الناس ما تاكلش وتأكله وابو مين اللي يتباهى ان الرسول اكل من يده؟ واخز شيئا من يده لان هي دي النعمة بيته ما هي دي البيوت اللي شغالانا - 00:22:02

وفلوسنا ويجوا رمضان ويطلع رمضان احنا زي ما احنا في هم وغم ونازل في النازل مش في الطالع في النازل كل يوم اسوأ مما كان قبله. لا يا اخواني. لأ. لازم من الهمم تشحز. ولازم المعدل والمؤشر - 00:22:23

ينتفع وتحس انك نعمة ورمضان نفسه من النعمة والنعمة الكبرى اللي هي الاسلام هو فين في رمضان؟ هو فين عمر ابن الخطاب كما روى ابن عباس رضي الله عنهما والحديث عند البخاري وغيره دخل بيت النبي. حديس طويل بس اخذ منه الشاي. يقول - 00:22:43
فنظرت في بيته دخل كده لقي الرسول كان معتزل نساؤه وجالس في المشربة فيقول دخلت فنظرت في بيتي قعد يتلفت حواليه كده فلم اجد شيئا يغض البصر ما لقيتش حاجة - 00:23:03

ما فيش حاجة خالص غير غير اهبة ثلاثة غير اهبة ثلاثة. ثلاث قطع من الجلد محطوطة. مدبوغة بتاع محطوط. غير اهبة ثلاثة ده ده اللي موجود في المشربية اللي قاعد فيها بيت النبي صلى الله عليه وسلم - 00:23:19

فحزن عمر وقال يا رسول الله ادعوا الله ان يوسع على امتك. فان فارس والروم فيما هم فيه. وو وسعت عليهم الدنيا وهم لا يعبدون الله. فقال له رسول الله صلى الله عليه وسلم اوفي شك انت يا ابن الخطاب - 00:23:41

قال استغفر لي يا رسول الله معلش مش هقولها تاني مش هتطلع من بوقي تاني استغفر لي يا رسول الله اولئك قوم عجلت لهم طبيباتهم في حياتهم الدنيا حرموا من النعمة وخدوا شوية حاجات يأكلون كما تأكل الانعام والنار مثوى لهما. لكن مش احنا -

00:24:01

هم دول اللي وانت معجب بهم ومفتون بهم. هذا بيت رسولنا والفرش اللي موجود فيه والمتاع اللي موجود فيه. نايم على حصير قصر في جنبه صلى الله عليه وسلم عمر بيقول رأينا زارته فلم اجد شيئا يرد البصر. تدخل النهارده تلاقي اسقف معلقة. كهربا في الحيلة كهربا شمال كهربا - 00:24:27

زراير مفاتيح دنيا ايه يا اخوانا ده كله رايح فين وجاي منين؟ اقول لك كده كده دينك فين؟ على خريطة الانوار. وانت تعيش في الظلمات عمال تنور في البيت فكرت ان في قبر محتاج انارة - 00:24:52

فكرت ان في قبر عاوز ضغط عالي في قبر عاوز ضغط عالي خص بك عشان ينور انارة مستمرة لحد ما تقوم منه فكرت فيه دي ولا عمال تولع في البيت وتنور في البيت؟ وسايه مضلم - 00:25:16

يا اخي فكر في انارته ده انت هتقعده فيه مدة الله اعلم بها. انت عشت على سطح الارض اربعين ستين سنة. لسه تحت ياما. جايز مئات وجايز الوف. الله واعلم - 00:25:40

عاوز انارة قوية ممتدة البيوت شقق اطلع من الشقة دي وادخل في الشقة دي ليه؟ دي ثلاث اوض عاوزين اربعة. دي اوضتين عاوزين ثلاثة. دول ديقين عاوزين وسع دي مش عارف ايه؟ هل في منطقة؟ ما اعرفش بيقولوا عليها ايه؟ يقول لك منطقة بيئة. يعني ايه بيئة؟ نقول لك ناس - 00:25:54

المنطقة بيئة. طيب يا اخويا روح عند الف وحياته في الشقق والعبارات. فين دينه؟ ما هو دينه مش نعمة اصلا. هو مش حاسس ان دينه نعمة هو النعمة عنده وسع المكان هيا المكان زبط المكان - 00:26:19

روى البخاري عن عائشة رضي الله عنها تقول كنت امد رجلي في قبلة النبي وهو يصلي فاذا سجد غمزني فاذا قام يصلي مددتها مددتها لا اله الا الله. حظر ما تكفيش واحد واقف يصلي والتاني نايم - 00:26:38

واحد بيصلي والتاني نايم مش مكفياهم حجرة وهو واقف بدأ يركع ويسجد عاوز مكان يسجد فيه. تقول غمزني غمزاني يعني زق رجلها. تقوم كنة رجلها يقوم يسجد مكان رجله خلص السجود وكذا وهي يقوم يقف تقوم مجدها بقى تاخذ راحتها. ما هو ممكن اصل

مممكن يكون واقف ساعة - 00:27:11

واقف صلى الله عليه وسلم واقف ساعة فرجليها تتفرد في الساعة دي. وعبال ما يبجي تاني بيقبضها. غمزني فقبضتها فاذا قام مددتها. يعني الاوضة مش واسعة الاوضة مش مكفية وواحد بيصلي وواحد نايم - [00:27:39](#)

واحنا عندنا عشرة في عشرة خمسة في خمسة ستة في ستة ملعب انتم هتناموا ولا هتجروا هتنام ولا هتيجي يقول لك قلت له مش عارف ايه هتلعبوا فيها هو ملعب ليه؟ ودي بقى خدت من العمر كام؟ وخدت من المال كام؟ خدت من كل ده كم - [00:27:59](#)

والعمر فيه كام يوم اصلا عشان يخلصوا في دول؟ علشان هو مش حاسس ان دينه نعمة. امال ايه النعمة اللي ربنا سماها على رسوله البيت ضيق والاكل ما فيش. بياكل بالسلف صلى الله عليه وسلم. والبيت متنفض. امال ايه النعمة؟ اللي اتسماها عليه - [00:28:20](#)

هي نعمة الاسلام رسول الاسلام رسول للبشرية كلها هي دي النعمة الشفاعة اداها له المقام المحمود اداه له السيادة على الدنيا كلها الذهاب. ما فيش ناب يتهاالي هيمن على كل الرسالات - [00:28:40](#)

هيمن على كل المناهج خد كل حاجة فخد النعمة يبقى لازم تستشعر انت مكان الرسول. كل الدنيا خربانة وانت اللي في نعمة. بس المسلم هو اللي في نعمة. بقية الناس محرومة. بقية الناس في ضلال. يا اما مغضوب عليهم. يا اما ضالين. يا اما مبتدعين - [00:28:59](#)

يا كفرة يا ملحدين اي حاجة من دول تخطر على بالك او لا تخطر. المسلم بس هو اللي في نعمة اتممت عليكم نعمتي ورضيت لكم الاسلام ديننا. فانت عملت ايه بقى؟ فين الشكر على النعمة ديت - [00:29:26](#)

عملت ايه على نعمة الشكر شكرت ربنا على النعمة دي عملت له فيها ايه؟ استخدمتها ولزك ياتي العنصر الثاني يبقى اول حاجة تشعر انك في نعمة. قبل ما تنتقل للتاني ده - [00:29:45](#)

تالت العنصر الثاني ان ترد النعمة الى المنعم ترد النعمة الى المنعم. لو رجعنا لاية سبأ وقليل من عبادي الشكور بمفهوم المخالفة وكثير من عبادي الكفور. قليل من عبادي الشكور كثير - [00:29:57](#)

من عبادي الكفور. الشكور الاول ده المحمود ده محمود ليه؟ لانه اخذ النعمة من الله وحمد وشكر الله. الكفور اخذ الله وحمد غير الله علشان كده قليل من عبادي يبقى علشان - [00:30:21](#)

تشكر نعمة الله على الاسلام ترد النعمة للمنعم؟ يعني ايه برضه؟ يعني انت جيت هنا مش مش بزكاء ولا عبقرية انت جيت هنا بتوفيق الله التزمت بتوفيق الله. اسبت بتوفيق الله. ممكن الصبح تنحرف. ترجع لي اصلك. تسبب الدين ده وتشوف - [00:30:48](#)

حاجة تانية ترد النعمة للمنعم. ولزك في سورة الاعراف اهل الجنة بقى وهم حاسين فعلا لان طول حياتهم بيردوها للمنعم وبعدين بيكملوا في الجنة بقى. الحمد لله الذي هدانا لهذا وما كنا لنهتدي لولا - [00:31:15](#)

ان هدانا الله وما كنا لنهتدي. ولزك عند البخاري ومسلم وغيرهما شف الرسول وهو بيحفر في الخندق بيعبوا له المقاطف والمكاتن ويشيل زيه زي اي واحد واقل كمان يشيل على كتفه وعلى - [00:31:35](#)

يشيل باي طريقة ويشيل الغبار سود بطنه غير لون البطن وعرق مع عفرة بطنه هتبقى دودة منين بقى خلاص وهو عمال يشيروا له اياه. لولا انت ما اهتدينا ولا تصدقنا ولا صلينا. فانزلت - [00:31:55](#)

سكينة علينا وثبت الاقدام ان لاقينا. ان الذين بغوا علينا ان ارادوا فتنه ابينا يعني الخير اللي احنا فيه ده يا رب من عندك انت بس حديس رواه البخاري ومسلم من حديس البراء. بيدندن الرسول عليه الصلاة والسلام بهذه الكلمات الطيبات. لعلها في الاصل كانت كلمات - [00:32:15](#)

عبدالله بن رواحة مسلا الله اعلم المهم كان يردها الرسول لولا انت ما اهتدينا ولتصدقنا ولا صلينا فانزلن سكينة علينا لما يحصل صدام. وثبت الاقدام ان لاقينا. ان الذين بغوا المشركين والاحزاب اللي بغوا البغاة الظلم - [00:32:43](#)

ان الذين طغوا علينا اذا ارادوا فتنه يعني شركا وكفرا وانحرافا اذا ارادوا فتنه ابينا يبقى ترد النعمة الى المنعم سبحانه وتعالى ما تردهاش لحد تاني ولا تردها لنفسك. تشكر الله على كل طاعة عملتها وتطلب المزيد. تشكر وتطلب المزيد الرسول - [00:33:03](#)

كان كثير دعاء يا مقلل القلوب ثبت قلبي على دينك انت دايمًا تقول دي ليه؟ قال لها يا عيشة ان القلوب بين اصبعين من اصابع

الرحمن يقلبها كيف يشاء هو بيعلمنا هو قلبه عمره ما هيتقلب. هو قلبه اتقلب عشان يرجع ثاني وخايف لدين الله. يعني قلب الرسول مسلا يعني ما كنش على شرك. وبعدين - [00:33:27](#)

بقى على توحيد وهو خايف ليرجع الشرك لا لا هو اصلا قلبه على التوحيد من يوم ما اتولد لحد ما لقي ربه وجه الاسلام زاده جمالا وزاده توحيدا وتمسكا. النبي علمنا احنا احنا اللي قلوبنا طالعة نازلة. الله سبحانه وتعالى اصطفى انبيائه فمش - [00:33:55](#)
تقلب قلوبهم. الله سبحانه وتعالى اصطفاهم. اصطفاهم يعني سبتهم. فمش هيقرب قلوبهم. وهو لا يعجز لكن هو وعده وعده سبحانه وتعالى الا يقلب قلوب اصفياه. امال لما يقلب قلوب اصفياه هيثبت قلوب من - [00:34:15](#)

الله سبحانه وتعالى ثبت قلوب اصفياك واخترهم. فهنا الرسول بيعلمنا احنا. يا مقلب القلوب فتد النعمة الى النوم. تالت حاجة من شكر نعمة الله على الدين ان تستخدم النعمة في مرضات المنعم. عندك دين عملت به ايه؟ ولا حاجة. كتبته في البطاقة - [00:34:34](#)
كتبته في البطاقة وبعد كده بقی ما توجعش في دماغ عشان ما يعملش مشاكل عندك دين عندي اهو في القلب الدين في القلب حلو كده يا سلام وهتزيروا امتی ان شاء الله؟ والله بقی - [00:34:56](#)

ازهر بقی لما يريد هتدعوا ليه امتی؟ هتعمل به ايه؟ هتفعله في الناس امتی؟ ما هو استخدام النعمة في مرضات المنعم. تستخدم النعمة دي نعمة الدين ده في مرضات المنعم. تقوم به تدعو اليه تظهره في الناس - [00:35:11](#)
بتعرف تقرا يا اخي مش دي نعمة؟ ايه علاقتها بالدين؟ تقوم تصلي امسك المصحف واقرا حافظ يبقی خير وبركة احفظ من حفظك. مش قادر يمسك المصحف واقرا وصلي. عندك صحة وما عندكش امراض. فين الصيام - [00:35:34](#)

فين كذا فين كذا استخدم النعمة دي عرفت ان فيه في الصيام فريضة فريضة صيام. فين هو؟ فين هو في حياتك؟ يبقی تستخدم نعمة في مرضات المنعم. اقول ما سمعتم واستغفر الله لي ولكم. الحمد لله والصلاة والسلام على سيدنا رسول الله - [00:35:49](#)
ثالث لازم من لوازم شكر الله على نعمة الاسلام نسأل الله ان يرزقنا هذا. الشكر على نعمة الاسلام يا اخواني ان نستخدمها في مرضات الله ربنا ادانا نعمة عاوزين نعدل في الاسلام - [00:36:10](#)

موجود قدام بيت ايديكم عاوزين تعدلو موجود عاوزين تتقدموا موجود عاوزين تسودوا العالم؟ موجود؟ عاوزين ايه ثاني؟ عاوزين تشبعوا موجود؟ ايه اللي انتم مش عاوزينه؟ عاوزين الحاجات دي كلها واكثر من كده كمان؟ موجود - [00:36:31](#)
طب استخدموا النعمة ما تعملهاش مشاكل ايوة ايوة الاسلام مصدر مشاكل لماذا؟ لان اهله لم يشعروا انه نعمة. هم مش عارفين ان هو نعمة اصلا. لا لا الاسلام عبارة عن كتب تدرس العيال تطرشها في الامتحان ولا في الكليات ولا في اي مرحلة دراسية وبس -

[00:36:48](#)

وكمان مش هتنضاف للمجموع. يعني ما لوش لازمة من اساسه طب وفي الواقع كل واحد يكيف حياته بطريقته. يبقی فين بقی النعمة اللي استخدمت في مرضات المنعم لا ان النماذج اللي زكرتها لكم سيدنا محمد وسيدنا يوسف ويتم نعمته عليك - [00:37:16](#)
سيدنا يوسف معه نعمة استخدمها في مرضات المنعم شخصا ممنوع يمد ايده على الزنا وممنوع يقرب من الزنا هتنسجن ما انسجن؟ هتروح ما اروح مطرح ما اروح ما تفكروش في القصة دي خالص - [00:37:39](#)

فده معاه شخصية يبقی استخدم النعمة له شخصا في مرضاته المنعم. طب وبعدين؟ دخل السجن. معاه مساجين. مزلوم مين ولا غير مزلومين لكن على كفر يسيبهم؟ لا ما يسيبهمش يوصلهم النعمة - [00:37:54](#)
يوصلهم ويقول لهم ويبلغهم وينورهم. استخدم النعمة في مرضات المنعم. ده اخر يبقی رسول واحنا كلنا بنحل محل الرسول بيننا وبين رسول ثاني. مش هو اللي قال بلغوا عني ولو اية - [00:38:10](#)

ما انتاش عارف تبغها اعملها انت. لما اشوفك بتعملها هقلدك. مش مش لازم النص. بس انت معناه في قلبك معناه في قلبك عارف ان هنا في القلب الربا حرام مش وكر. طب هات الدليل ما اعرفش ما باكلوش - [00:38:28](#)
وخلاص اتأثر انا اقلدك انا اراك في نعمة وفي خير وبتظهر الدين في الابتعاد عن الحرام بتغض بصرك ايه الدليل؟ يقول مش ما اعرفش انا مش حافظ حاجة. هو كده ما تبصش وخلاص - [00:38:48](#)

حط عينك في الارض ها ابصر النعمة استخدمها في مرضات منعم هو ده شكر النعمة نعمة الاسلام. ولذلك الرسول عليه الصلاة والسلام شف بقى هو بيستخدم النعمة. ربنا طبعاً ما كنت تدري ما الكتاب ولا الايمان - [00:39:08](#)

يعني قبل ما يبقى الرسول ما يعرفش ترتيب الركعات ونزام الركعات هو طلع وصلى صلاة زي سيدنا ابراهيم صلاة قبل غروب الشمس وصلاة قبل طلوع الشمس خلاص. اما بقى الترتيب خمس صلوات وبالكيفية ده والوقت ده يبدأ من هنا وينتهي هنا ويبدأ من هنا سيدنا جبريل نزل علمه الحاجات دي كلها. وعرفه بدايات الاوقات ونهايات - [00:39:27](#)

في الاوقات وعرفه كل حاجة طيب نعمة غيره ما بيصليش. طب يعمل بها ايه بقى؟ استخدمها عائشة رضي الله عنها تروي عند البخاري وغيره تقول كان يقوم من الليل حتى تتفطر قدماه - [00:39:47](#)

تورم وتتنفخ ليه من طول القيامة ما هو لو بيقوم كثير ويقعد كثير مش هتورط يا ما بتورطش الا من طول القيامة. كان يقوم حتى تتفطر قدماه فقلت يا رسول الله لم تصنع هذا؟ وقد غفر الله لك ما تقدم من ذنبك وما تأخر. وهي لسه كانت معنا رضي الله عنها بتقول كنت - [00:40:04](#)

وهو واقف يصلي ما يلزمهاش. لان عمر همتهما ما تبقى زي همته تبقى هنا او جاز يكون عندها عزز جايز عندها حيض ده شيء من هذا ما تقدرش تقوم او لا تصح صلاتها اصلاً - [00:40:27](#)

تقول غمزني وهو يصلي فتقول له لما تصنع هذا؟ وقد غفر الله ما تقدم من ذنبك وما تأخر. قال افلا احب ان اكون عبدا شكورا هو ده المطلوب يا اخواننا اعملوا ال داوود شكرا. اعملوا ال داوود شكرا. وال داوود دول - [00:40:42](#)

منهم سيدنا سليمان عنده نعمة عنده اسلام حطه في قلبه وخلاص؟ لا شاف الدنيا فيها خربانة وما عمروهاش ليه شاف كفره وليه ما وقفوش؟ مش هو ده سليمان. اللي قاعد في بيت المقدس. اللي بلغة اليوم كل واحد في حاله. كل واحد في - [00:41:04](#)

قيمة كل واحد في دولته. لا الاسلام ما فيهوش كده. الاسلام فيه تنشر النور والخير للدنيا كلها. كلها لا لا خليه يتعلم عندك دين؟ اه خليك في دينك في حالك. لا - [00:41:24](#)

انشره ايه اللي يخليه يجي من بيت المقدس؟ لسبأ لليمن. هو ما اتحركش بس دعوته اللي اتحركت. وبعث القصة اللي احنا عارفينا دي ويهود هود روح قل لهم والحكاية وان ما كانوش هيجوا مسلمين - [00:41:38](#)

هنأتيهم بجنود لا قبل لهم بها فلنأتيهم بجنود لا قبل لهم بها ولنخرجهم منها اذلة. اختاروا لهم واحدة من الاثنين. نفضل زي ما احنا ومسلمين وان لم يتحرك اهو ده استخدام النعمة في مرضات المنعم - [00:41:56](#)

نعمة هو قاعد في نعمة ومسلم وحواليه مسلمين الجن اللي حواليه مسلمين والانسان اللي حواليه مسلمين والطير طبعي مسلمة اصلاً. حواليه كلهم مسلمين وان كان فيه شيطان كده ولا كده تلاقيه مكبوت ومدحور على كلهم مسلمين. المنطقة بتاعته اسلام. ما له ومال اليمن - [00:42:17](#)

بتشبهوا بيعبدوا الشمس يعبدوا القمر يعبدوا العجل. يعبدوا بوزة يعبدوا البقر. يعبدوا اللي يعبدوه. ملك ومالهم. لا تستخدم النعمة في مرضاة المنعم. وهو ده اللي الرسول عمله مش بس سيدنا سليمان وخلاص. الرسول خلاص اسلم على الاسلام - [00:42:37](#)

واللي حواليه اسلموا والجزيرة نورت. عاوز ايه ثاني؟ ما تقعد في بلدك انت مش عربي ومن اهل الصحراء خليك في بالك لا بدأ بيعت الرسايل. تيجي هنا الرسايل لمصر لمقوقس مصر. تروح لاوروبا لقيصر الروم - [00:42:57](#)

لناحية آسيا شمال آسيا وروسيا لقيصر لكسرى فارس تنزل في الجنوب عند نجاشي احب الشعب انت مالك ومال الناس دي؟ خليك في حالك لا. والرسايل تروح. اسلموا تسلموا. اسلموا. تسلموا - [00:43:17](#)

كل ليه؟ لانه في نعمة فيصدر النعمة. والناس سعدت بالنعمة. الخير اللي احنا فيه ده جالنا منين اصلاً؟ مين اللي صدره لنا احنا ما روحناش جنبنا ما رحناش لهم وجبناهم هم اللي جم وهم اللي خرجوا وهم اللي فتحوا البلاد - [00:43:37](#)

والعباد يبقى تحس انك في نعمة ودي اعظم نعمة عليك يا عبد الله انك مسلم تردى الى الله وما اهتديت الا بفضل الله سم تستخدمها في مرضات الله. نسأل الله ان يردنا الى دينها ردا جميلاً. اللهم ردنا الى دينك ردا جميلاً. اللهم ردنا الى دينك - [00:43:57](#)

ردا جميلا. ربنا من ارادنا وديننا وبلادنا بخير فوفقه لكل خير. ومن ارادنا وديننا وبلادنا بسوء فاجعل الكيده في نحره واجعل تدبيره تدميره. احفظ بلادنا وسائر بلاد المسلمين من الفتن ما ظهر منها وما بطن - [00:44:23](#)

ربنا اشف مرضانا وارحم موتانا واهلك اعداءنا. امين امين. وصل اللهم وسلم وبارك على نبينا محمد اذكروا الله يذكركم واشكروه على نعمه يزدكم واقم الصلاة - [00:44:43](#)